

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**Stručna služba za zajedničke poslove**

Broj: 17-14-4402-15

Sarajevo, 04-03-2016 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst), a na preporuku Komisije za nabavku roba u postupku javne nabavke i isporuke motornog vozila za potrebe Stručne službe za zajedničke poslove Kantona Sarajevo - (Zapisnik o pregledu i ocjeni ponuda broj: 17-14-4402-14 od 03.03.2016. godine, po ovlaštenju načelnika Stručne službe za zajedničke poslove Kantona Sarajevo, šef Odsjeka za ekonomske poslove donosi:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke i isporuke motornog vozila za potrebe Stručne službe za zajedničke poslove Kantona Sarajevo i dodjeljuje se ponuđaču „**TRIAB**“ d.o.o. Sarajevo, prema dostavljenoj ponudi broj: 003-146/16 od 20.02.2016. godine u ukupnoj vrijednosti od 43.035,65 KM (sa PDV-om).

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obaviješten o izboru najpovoljnije ponude. Izabrani ponuđač je u svojoj ponudi broj: 003-146/16 od 20.02.2016. godine, dostavio dokaze o kvalificiranosti.

**Član 3.**

Ova odluka objavit će se na web stranici ugovornog organa, [www:http: sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-4402 od 16.02.2016. godine – Nabavka i isporuka i motornog vozila za potrebe Stručne službe za zajedničke poslove Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 37.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem: 1230-7-1-16-3-19/16 dana 17.2.2016. godine u 19:44 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "PORSCHE BH" d.o.o. Sarajevo; 2. "AC QUATTRO" d.o.o. Sarajevo; 3. "TRIAB" d.o.o. Sarajevo. Rok za dostavu ponuda bio je 02.03.2016. godine do 14,00 h. Za navedenu javnu nabavku u predviđenom roku i uredno zatvorenim kovertama, dostavljena je ponuda ponuđača:

Rb	PONUĐAČ
1.	"TRIAB" d.o.o. Sarajevo, ul. Alipašina bb Bare - Šip

U skladu sa Odlukom o pokretanju postupka, Komisija za nabavku roba, formirana Odlukom broj: 17-05-27809 od 20.10.2015. godine, provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-4402-14 od 03.03.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedan (1)
  - da je blagovremeno zaprimljeno ukupno jedna (1) ponuda
  - da nema neblagovremeno zaprimljenih ponuda
  - da ponuda ponuđača "TRIAB" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke i isporuke motornog vozila za potrebe Stručne službe za zajedničke poslove Kantona Sarajevo kako slijedi:

Rb	PONUĐAČ(naziv i sjedište)	Broj bodova
1.	"TRIAB" d.o.o. Sarajevo	100,00


U skladu sa kriterijumom "ekonomski najpovoljnija ponuda" sa potkriterijima: cijena 70%, rok isporuke 20% i način plaćanja 10% , **ugovor se dodjeljuje ponuđaču „TRIAB” d.o.o. iz Sarajeva u ukupnoj vrijednosti nabavke 43.035,65 KM (sa PDV-om)**, rok isporuke 30 dana i način plaćanja 30 dana od dana isporuke vozila. Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog: - Zapisnik o pregledu i ocjeni ponuda broj: 17-14-4402-14  
od 03.03.2016. godine

Dostaviti:

1. "TRIAB" d.o.o. Sarajevo, ul. Alipašina bb (Bare-Šip)
2. a/a